



07276

黃金臺行

木落天空寒欲冱短衣匹馬爭日暮何來松柏聲蕭蕭危臺百尺當去路停鞭解轡攬衣登燕昭求賢碑特樹莊嚴廟貌更巍然想見當年交應趣吁嗟戰國尙七雄興兵構怨跡如注虛心下士久無聞誰肯千金相擲付請從隗始論近迂買骨乃竟來騏驎樂君奇士管晏倚堅城七十下指顧頓起茶疲稱富強以此酬知知豈誤當日黃金值幾何輦來齊重盈燕庫

雙琴堂詩集


卷三

一

箇中子母筭誠難且博賢名千載慕昭王地下如有知應拚金將樂毅鑄奈何嗣君聽不聰奪兵一旦棄交故後雖有悔嗟何及霸圖已墜愁誰訴君不見章華臺築楚江濱細腰瘦損招人惡又不見姑蘇臺畔麋鹿遊行人誰弔夫差墓燕昭霸業總不終高風競把金臺賦宮園殿榭織無存此臺蠹蠹無顛仆過客興懷初建時鄒劇誰歌士不遇湖洞未盡僕夫催萬愁攢逐歎段步

壽鄭太姻伯

平生未慣走朱門虛詞祝嘏尤所恥清狂不慧親故



疎自分不掛通人齒邇緣友薦誨翁孫賞奇析疑時
觀止翁不我薄轉提攜常出酒果資談哆獲聞少小
苦下帷癖左獨探麟經旨欲齊關闔凌歐蘇矢志豈
徒拾青紫一官聊爾試牛刀當陽潁陽爭頌起旣勸
農桑撫善良更嚴保甲除奸宄昔日文翁又尹翁我
翁前後一同軌歸來杜戶理殘編不干外事門如水
心切蒸嘗築祖祠滎陽世澤標閭里舊交師友倍關
懷婚嫁傾囊代綱紀壽富好德符衍疇翁實兼之介
繁祉鶴髮童顏雙鑠哉洛社耆英可接比壽筵開值
艷陽辰碧蘭丹桂兼桃李擷來香蕊浸霞觴略綴實

雙琴堂詩集

卷三

二

行薰墨泚言者聽者顏怡然期頤常此奉杖履誰傳
循良譜耆舊我歌他日媿青史

桃園行爲蘇復齊賦

避秦有處無路尋令人魂斷桃源記藉非幻想成空
文豈真靈妙天終秘去城數武東石村踏青弱小曾
一至幾家烟火最蕭條由今視昔風光異沿溪碧柳
舞春風比屋黃茅密如瑟撥眼更訝煥晴雲綉日絳
雪纈紛積爛漫不亞赤城霞歷亂尤艷杏花寺不綠
之子啟戶招錯入天台轉心悸千樹桃花一屋間箇
中寧有塵埃思妥飢底事飯胡床深淺尋紅亦韻事

君不見影含角枕蔡君謨又不見塢裏傾壺唐子畏
人生難飽三萬六千觴况復如錦如繡春光媚不知
漢魏武陵翁幾度花間留客醉醉後高歌客願賒結
實還期饗餐恣瑤池三度笑東方殷勤望遣青鳥使
青鳥使需何時此日芬芳昔穢棄人傑自教地有靈
多少樓臺起平地底事尋幽覓仙跡仙凡總視人胸
臆莫遣流水泛落英彼塵市者誰能識

示偷兒

謀飢聊就他人館土垣茅屋樂清淺敢云賜也牆及
肩庶幾地偏心自遠擔來亦有甕與囊鼎鼎乃饑偷

雙琴堂詩集

卷三

三

兒眼潛踪躡足來黃昏包裹入手頭不轉將之速去
傲妻兒準擬盈眸皆細軟妻兒亦喜不空回療貧起
涸愁不腆誰知啟視更攢眉先生所有真稀罕白羅
衫子墨旣污犢鼻葛褲鶉結滿履俱決踵冠無纓殘
缺不止右袂短用以披暑固當時付之質庫遭呵譴
從來志養重妻孥受氣妻孥能不赧激羞變怒將誰
尤自悔張皇不細檢恨不傾囊倒篋看奮然誓志再
往返中宵恰值月當楹牀底牀頭盡睇眄樛疎壁漏
有可乘鉤取筐箱折管鍵心機費盡心益煩奈何只
是殘書卷不恠財運未亨通却恠先生嗜篇簡抖然

扯碎擲紛紛。氣則長吁頭。則俛偷兒無怒聽。我言此行自是君失策。幾見矮簷寄食人。乃有羸餘留篋衍。偉軀豐幹學鼠猫。穿箭鑽穴羞雞犬。豈知猾吏專舞文。大則喜交小則剪。竊鈎何似竟竊侯。盜亦有道顧自徧。莫謂鼠竊狗盜命無戕。鼠竊狗盜難倖免。何如翻然竟改圖。自食其力途無舛。君不見抗顏東面授書人。舌敝唇乾復脫腕。汗揮如雨苦何爲。維其艱矣衣與飯。

讀史忠正公褒忠錄恭紀

人生形骸易毀滅。支撐宙宇孝與忠。有明數盡三百

雙琴堂詩集

卷三

四

載照耀簡冊。惟史公公生適丁運陽九。金甌殘缺恣攫取。南渡君臣忘復恢。洒淚出師其誰耦。寧不知一木難扶大厦傾。寧不知豎子謀國終無成。哀哉事已如此。惟一死。夫豈輕舉妄動急功名。白骨拚埋淮沙邱。碧血拚付淮波流。剩此精心與赤膽。光浮日月懸千秋。古來諡忠孰得正。我皇一字爲論定。問學涵養俱臻絕。乃可從容危致命。君不見臨敵曾上睿王書。揆時審勢皆良圖。又不見濡淚和血跪稟母。有違奉養徒歎歔。嗚乎公之盡忠卽盡孝。無慙庭闈義方教。鴻文鉅篇總埋沒。讀此奚啻窺全豹。聞公泮遊始

總角蘿石難設試所學外無救兵內無糧慨以死誓
早見確。又聞訪隱一解驂。道隣之物非貪泉。平生師
友足推重。公之節烈豈偶然。當時慕公恨不作。趨庭
有訓時約略。幸披遺容誦遺札。鬚眉如睹眸矐若。廉
貪厲法期前武。聖世褒忠邁千古。長歌一曲誌景
行。精神鼓盪手足舞。

謝陳笠亭先生畫竹見貽

先人愛竹曾劔菴。南州高士貽雙朧。我愧堂構早傾
圯。清言勁節徒惘然。陳翁書法妙天下。餘事更寫青
琅玕。葉如邈隸幹如籀。勸以古法無不全。一幅遺我

雙琴堂詩集

卷三

五

張素壁抽空綠影還。舊觀君不見息齊著譜寫懷抱
又不見與可胸中羅渭川。非有奇氣運豪趣難驅。風
雨役豪端。聞君西陟蠶叢險。筇竿變態窮百壘。又聞
築亭號有竹坐臥且與爭。食眠精神所寄自生動。養
風嘯雪籠雲烟。驚眸擬入篔簹谷。颯颯彷彿玲瓏殘
飾月。墨彩流書帙。四壁影瀉蕭湘寒。翻恨九原不可
作。懷人睹物淒誰憐。拂拭童顏个中額。典型尙有心
卷卷君遭謠詠貞弗改。顏此得毋人並傳。虛心峻節
可勵俗。塵狀詎許來。几前摩杪劇於女。十五醇之慙
乏。練三千祇有長吟並清嘯。擬誑仙鸞下玉壇。

爲王東老題所藏仇英摹張擇端清明上河圖
宣和去今八百載汴河故道屢徙移清明上河誰復
見賴有此圖彷彿之上而朝貢下貿易九遠所有筆
無遣人如蟻螳馬如豆態勃勃活鬚眉歌臺舞榭
及酒榼俠游嬉戲窮精微士女夷猶物力阜想見承
平全盛時藉非仁廟善培養靖康而後願恐違信哉
畫工媿造化河流曲折山逶迤紅樓碧樹位置巧游
魚飛鳥工參差物計億兮人計萬螺蛟蚓結細如絲
宇宙竒觀括尺幅長房縮地術非竒初者瘁殫數年
力摹者乃不惜神疲仇公仕女圖本妙况有粉本爲
之師持較蘭亭會修禊得毋小巫顏無姿文叔昔作
名園記掛一漏萬識者嗚何似斯圖涵萬有洛陽風
物儘依稀我聞嚴相柄國曰徵索此圖胎禍機茶陵
文正題卷尾珍重不啻古鼎彝圖雖繪事關史冊治
亂興衰理具茲君信翩翩佳公子先人遺物獨守斯
守斯豈同寶異物手澤所在詎敢虧手澤所在詎敢
虧吁嗟乎佳物慎守須佳兒

濱川書院行爲林靜菴先生賦並呈山長

極城斗大地斥鹵民習獷悍多莽武草菅性命重賈
財吏來每爲簿書苦威脅智馭術紛更齒及詩禮唾

迂腐曾幾何時頓改觀垂垂博帶裁我冠粗豪盡斂
歸謹飭風流宏獎拔單寒誰與躋爾儕鄒魯整躬率
物端在官官絜梅鶴家聲舊一塵不染清風袖涑陽
昔日譜絃歌牧豎村童咸裁就政成報最擢尹竝力
返頽靡務忠厚虎雉馴擾事等閑深知學校風化先
清除瓦礫建齋閣經義治事規前賢藏脩游息既有
地文采泉湧爭資川金須在鎔木須鏹匪資師表何
由善捐金更爲延名儒青箱世學稱時彥筆汗如流
口懸河吹生噓枯春風扇我來幸一披絳帷清談塵
下屑霏霏照我真如玉山朗全消渣滓生光輝問奇

雙琴堂詩集

卷三

七

自愧未攜酒傾聽不覺心依依倘許假館留受業砥
砢庶幾邀礪切願未獲申賦歸與紫芝眉宇難爲別
珍重離情付及門一言相屬寧捫舌人生難得是機
會學不日進則日退莫負賢侯膏火資莫負先生殷
勤誨努力雲途便可期型方式俗爭前輩豈爲一洗
澆陋風思王越石堪追蹤雕龍繡虎騰奎閣競羨於
今造士功試問脂膏剝取閭閻者何如手擎樑棟貢
王宮

重久舍人贈金華酒一罍卽折柬招同桂村表

叔陪馮砥峰夫子花下小飲

桃紅李白花正芳遊子倦歸愁空囊無錢買酒沐花
光低徊花下徒恹皇誰擊鑿獸聲鏗鏘綸閣上舍貽
瓊漿三千里路來江鄉金華大字揭縹緗涎流肺渴
他未遑泥封折取手自將浮來大白妥枯腸弱弟掣
肘勸從旁佳釀端須佳客觴何不折柬招同嘗幸不
鄙棄我疎狂屏擋車騎手攜行團圓花底卸冠裳大
爲花事增氣昂我師行役初解裝入座頓覺神揚揚
畢侯吐屬妙尋常齒牙生慧奪花芳舍人才大倍難
量行看珥筆挾天章人生聚會司彼蒼蓬華何幸騰
星芒媚客花競美人粧有花有酒逸興長砭耳更喚
鶯鼓簧松風韻擬琴宮商昨愁寂寞今慨慷惠我之
德銘肺藏無以報君酌君觥君不見鯨吸百川恣狂
洋又不見鼻飲並學兕象猖我輩脫略形迹忘談鋒
詞鏗羞耶當相逢快事惟相醉花開花謝誰主張

謝于憶遠惠酒

佳釀亦索春秋日炎夏味變樽難留况復居僻遠城
市杖錢縱解奚搜求唇乾舌做講席罷渴想麩蘖空
凝眸竭來長鬚欵關入瓮盎壓背形偃偻蹒跚到階
釋重負筠筐更脫青絡頭傳言主人藏之久遠將溲
暑潤枯喉我聞狂喜呼穉子瘦瓢急酌封急搗琥珀

光奪竹檻碧潏灑香浮花氣稠真味信可沁肺腑鼓
吻欲並鯨吸流愁魔病鬼頓挫折酒兵犀利挾清秋
豪興更倩排詩陣爽思競發凌風颺誰歎和我莫辭
醉中之清聖功無侔諸子團圍飲俱暢叵螺鷓杓相
葛糝放眼不覺天地窄飄飄斗室等瀛洲水簟滑縠
窈紗皓欹枕頓與羲皇遊緘我醉吟慙寄謝祝君穉
多十斛收他日過君出新釀風味較此還勝不

唐花行

物乘元化恃真氣一草一木取自然拘其本性悅人
意嚴冬乃競春鮮妍梅花姿固傲冰雪牡丹何亦放
雙琴堂詩集

卷三

九

如盤夭桃濃李紛紅白到此真忘寒
五天盜益拂拭好位置點綴髹几信足憐
目迷五色意錯愕爭買誰不傾金錢
喜溢花翁口哆侈逢人誇握造化權
避冷向陽探物性迎機導氣能據先
一陽初動爇在地掘深密窖圍以
氈生機暗對善引翼午窓又使烘
晴暄竊取天和布人事度之火炕
烘夜寒火餘過燥復暝水氣融如
甑熏硫烟雖非握苗實助長精液
催湧不敢延以故怒發苞急茁燦
爛頃刻奪目前吁嗟此術巧而捷
恍悟人被利名牽詭變百出爭先
獲不遺餘力乘寅緣寧知先發復
先萎敗露始悔窮機關君不

見春風偶亦及荒谷老樹着花尤豁顏迴看几案供
玩具得毋枯槁溝壑填旨哉學士庫公語耐時慎勿
愁伏跼東皇次第敷榮秀底須中熟急相煎

題呂紀畫鷹

支公禪者乃慕鷹明道大儒亦喜獵天空野濶搏秋
風細骨清筋眸睭睭呂生貌此意何爲得毋心有愁
矜目有攝兔能營窟狡且鳧雀爭覓食難伏厭乃或
貴之彈以珠或則擾之習與協猶鼠同眠稱瑞祥操
切若急轉緩頰誰歎勁氣德秉火行法不避權貴懾
呂畫曩以金粉工激昂陡碎胭脂篋拈豪蘸墨淡仿

雙琴堂詩集

卷三

十

佛意在筆先神與淡軒尾側翅喙天矯斜撲取勢等
強劫兔雖善躍魂已驚投或無先骨盡蘊但見負首
豎耳毛肆張左顧右盼難竄蹤紛紛雀亦啅疎林栖
遲弗穩危跼跼比觸網羅尤皇皇賊疎無限各震聾
嗚呼寒山斷港尺幅耳凜冽疑聞風颯颯枯枝落木
忽生動擬振寒雲響敗葉森森肅殺氣逼人合圍凍
雪恍在睫神俊真如掣背韝疾拏奮攫驚竒捷我雖
壯志久欲灰對此幾度曳短褶強弓快馬縱轡前心
喜暗與前賢貼

送史竹亭簽判粵西

粵西山水甲天下，閔曹吏隱多名流。天藉文章闡靈秀，不累案牘恣閑遊。峭壁林立互崛起，特柳記乃祇訾家。洲崖崑崙蒼玉山谷句，持似雁蕩恐非儔。刻劃未盡俟，後起羨君萬里挈輕舟。君本鑑水稽山俊，石渠天祿曾校讐。胸羅萬有堪煩劇，贊治長吏游刃優。公餘還選笏竹杖，青簪包裹攜平頭。伏波巖左棲霞洞，奇花異石探遐幽。興到便可弄柔翰，清詞麗句摩崖鏤。登眺或疲坐理釣，灘灘江膩碧於油。即使嬾出憑几席，疊翠層藹眉睫浮。豈惟儒吏寔仙吏，瑤簪玉笋繞鳴騶。况復猿獠久歸化，花紋繡面競春謳。抑揚亢墜雙琴堂詩集

卷三

七

碧榕畔怡耳甚，足遣旅愁君不見。石湖范老尙戀粵，志纂桂海思悠悠。才較古人未少減，陞擢寧弗與范侔。毋訝勿遽行，色急方悔謾。述遲春秋早，趁公庭闌無事補綴前。哲所未收脫手萬口徧，傳誦百蠻爭購珍琳。璆倘肯因風惠，寄我何啻就君八桂樓。

贈五華書院蔣山長卽用其雪獵歌韻

荒村僻處渺聞見，眼界欲放壁四遮。竭來名宿江左彥，示人微笑拈天花。曠者欲啟聾者振，左提右攜如一家。吹生嘘枯不殫唇，齒敝寒回黍谷鄒衍術。無加我如鹽車重困伏，樞鷲鞭策策不前。安望孫陽拂拭來。

驚誇相對形穢方自愧琢磨大匠乃棄瑕清談塵下
聆玉屑栩栩萌蘖茁乾朽得毋根闌店楔可備用不
然非真珊瑚何以誤入鐵網宜光風霽月參末座餐
霞吸露洗塵沙庶幾初蘭佩芷樂晨夕遠勝伊人秋
水思兼葭白駒可繫爭欲繫誰其忍使金玉爾音退
飲和卽似醍醐沃飽德還輕玗與玆迷津尙藉慈航
渡敢恃稗販矜齒牙瞿曇現相光四照黑風頓息海
夜叉

和蔣式軒步遊蘇園元韻

有序

式軒步遊小園錫以錦句惓惓于祖德之留

雙琴堂詩集

卷三

七

世交之篤仁者之言藹如固不徒風雅宜人
也捧讀之下感愧交深勉步元韻用誌熙之
不見棄於先生長者實前人手澤有以貽之

爾

少失庭訓學久廢抱愧慵登通德門蓬蒿滿逕自閉
戶空羨蘭成賦小園殘書幾卷借驅睡晴簷時有鳥
雀喧不料達者胸中渾爾我下交乃肯徙步來荒村
晴澶道貌雅衫履相昂古處略温存况復足跡半天
下搜竒探勝細爲論市遠兼味那能得但倩籬外秋
山爭妍獻秀一勸餐雨停昨夜雲留影烟掃晨風石

洗痕鼓掌掀鬚老樹下高談灑氣直欲雲夢八九吞
聞所未聞心地拓見所願見情義敦寒泉苦茗手自
煮野蔘園蔬堆瓦盆草率方懼譏大雅情好乃等弟
與昆如挾井底升旭噉忘年弁忘臯比尊聽剖月窟
窮天根庶不貽笑向燭捫豈惟明教進吾昏更藉仁
者之贈慰我先人地下魂一詩用締三世交勿替先
生忍爲我惜斑管髡

神石行

庄名神石石何竒搜山剔壑罕見之恍若將軍威八
面銀兜鐵鎧搖旌旂又若垂紳搢圭笏端拱趨進肅

雙琴堂詩集

卷三

三

朝儀變化疑神恠疑鬼磨雲洗雨光陸離或欲攫擎
或蹲踞龜龍虎豹形依稀小者數仞高百尺轟轟夫
豈愚公移危峰峻巘去遼遠絕非孽落與崩欹吁茲
荒坡屬曠野分曹角立其奚爲靈峰飛來聞自昔得
毋造化巧設施石之妙品瘦透皺持斯以較遭呵唾
彼供玩好几案物此寔星斗精下垂神寒骨重貌魁
碩尊以丈人拜何辭空中恍惚聞咳唾草木震動寒
颼吹拜起四顧增錯愕疑馳雲霧走蛟螭不敢急視
急策馬轉入烟村魂方夷父老相慰津津道此去一
舍太寧隈

山陵

地須

慎守天降神物鎮其陔五石

椅桷像五嶽慎勿疑惑比魑魍

東嶺松行

紫塞巨松多合抱東嶺一株尤夭矯嶺勢峻拔逾萬丈根盤絕頂凌雲表特出不受山靈欺孤撐獨向晴空裊大匠相材攀不能鵬鸚營巢徒飛繞銅骨霜皮淨織塩烟曩霧態枝迅掃有時霞畔擘晴雲張鱗皴鬣騰蒼昊有時雨歇灑新露珠綴綵幢停翠葆於戲神物有護持應與山嶽齊壽考光華旣并日月耀歷練尤經風雪飽想像精英芙蓉結餐之或可人無老非騎白鹿抗手上虎豹環伺誰能拘撫摩不得空盤

雙琴堂詩集

卷三

十四

桓欲貌虬龍托粉藁韋偃已死僧繇仙長歌自抒胸臆好賦罷一笑岸幘歸千章層列啜藐小

謝許晉齋畫山水

銷夏錄多談寶繪解頤退谷與江村綿津論畫用最長林巨壑洗勞塵所恨古人不可作仿元規宋徒紛紛旨哉畫者文之極爲人曉畫須多文

語具米鄧公壽畫繼

倪黃吳趙俱邈矣三昧六法畫旨存香光一代推作者自貯萬卷筆乃神古謂觀畫爲讀畫超超元箸難其人竭來蒼洱大手筆行旌偶駐易水濱過我草堂浣我俗一紙持贈疊烟雲時維五月方苦暑展玩頓

覺秋風臻豈惟蒼茫氣韻古南宋墨法淨霜紋層巒
疊巘勢千丈縮以尺幅泯蹊痕數間老屋遮竹樹高
士幽藏誰叩門想君落墨別有會清光灑氣自吐吞
胸中邱壑略彷彿引余入勝欲聳身奈何可望不可
卽蒼葭秋水湖涸頻君今貢入明光殿廟堂黼黻爭
千春金題玉躡珊瑚網人間寧不重瓊璠我幸獲此
如拱璧恐食寒具手輕捫呼兒掃壁拭棊几凝神靜
對忘欠伸非關好事我具癖由來秀色信可餐底須
挂額挹朝爽斗室滿貯烟嵐裏縱無妙筆續前錄書
畫舫中驚絕倫

四宜山房歌呈遜翁表叔

房名四宜宜四時我進一說聊解頤翁於世路深閱
歷炎涼情態早稔知翻雲覆雨倏變詭處以常例遽
遭嗤居拋青鎖卜林岫微窺其意別有宜輕肥裘馬
等電火豪華意氣難久持何似深山安儉陋衣冠撲
拙按古規古人本業惟重農城市猥薄競售欺呼盧
索醉邪俠輩疾中子弟無良醫山隈水曲餘曠野苦
蕎油黍儘療飢示以艱難謀力食游閑坐廢乃免之
况翁老矣慵肆應逢迎恥以筋力爲迴視市城繁晉
接偃僂罄折得毋疲此地閒雲任來往胸懷恬適忘

械機焚香一室靜掃地縹緗卷帙雜尊羹終朝獲與
古人對門無剝啄客到稀手繙先澤課兒輩誦維督
切三餘時養成大器期大用雲途騰達此其基可知
水抱山廻處不僅泉甘并土肥宜儉宜勤宜直質更
宜子翼與孫貽不然但改隨歲序冬暖夏涼空設施
縱饒春華兼秋實亦祇佐翁愉含飴寧知翁具遠大
識箇中確有義方遺聊以避世非忘世問津者誰休
猜疑

題耄耄圖

代

畫師論畫貴畫意徒摹形貌失之拘祝嘏世每寫福

雙琴堂詩集

卷三

六

壽三星呈態毋乃誣誰與妙想脫窠臼仿詩比體取
徑殊人惟遵時善養晦按晷輪時視狸奴葆真更欲
氣調攝精神栩栩蝶凌虛靜體動用互倚伏堅培根
節期無渝豈惟耄耄聲假借耐寒叢菊晚榮敷此畫
知非媚俗眼吁嗟筆底實通儒信能識時動無妄操
持自信羞炎趨超然塵埴悟秋水或夢或醒天全吾
腥羶不逐香不滅生機常護霜難枯福具真福壽真
壽永桃火棗胡爲乎羨君懸此標清賞天官南極徵
心符底用傾囊買金粉繪彼駘背病癯夫

睦兒自涑陽寄盤餼一筐歌以示之

崔有食譜段食品瓊糜爲糕見楚詞食雖瑣細亦具
理格物應詳土物宜涑陽水甘土敦厚香秔美醞名
京師庖人烹人善鼎鼐餘技更解工治粢重羅麥屑
輕如雪胡麻搗汁務漂皮權衡斟酌兩盡善銖錙相
稱窺精微澁之和之揉且搏停勻骨肉無參差油如
滴髓麪與化摻摻十指競擘絲擬以剝繭引長緒盤
結宛轉隨所施潤以芬膏煎以釜妙於火候審毫釐
烈則就燥寒則縮此際添減慎疾遲技也進道信非
謬適口誰復輕餽餚柔膩香中函爽脆交綺偏具玲
瓏姿豈惟餽馨生齒頰咀嚼音響聽亦怡癡兒念我
雙琴堂詩集

卷三

七

牙齒豁遠道寄將充盤卮開篋啟封肆羅列欲食未
忍憶前時曾聞節孝夫人李嗜同羊棗甘如飴維時
王父尙貧賤爲人騶御偶經竝憶母嗜好傾囊取八
十里路手親攜既恐顛仆致殘缺又虞車騎倏奔馳
兢兢之心等竭力藐物乃以徵孝思此事至今將百
載傳之奕襍澆可醫豈無日用三牲養天性淳摯輸
愚癡緬竝細事昭舊德不匱之錫庶藉斯寧矜博雅
工賦物圍爐說餅實羞爲

倚碧亭歌爲趙賡拜賦

代

倚碧亭環竹萬竿主人攤卷時脫冠不衫不履具仙

骨昂如雲鶴臨囂寰切曾小試屠龍技飛揚跋扈雄
文壇長復學稼履南畝烟蓑雨笠披吟肩雖生富貴
鄙狃褲磨練才智頻試艱聯踏鎖闈竟不售乃韜利
器計翻然人壽幾何期不辱名韜利索胡拘牽奴耕
婢織付綱紀持籌握筭實羞顏有子崢嶸具頭角不
惜幣聘師名賢傾囊爲市縹緗帙牙籤玉軸疊盈千
更闢三畝成雅築蔣徑米石交蜿蜒牕明几淨塵不
到商盤夏鼎昭斑斕有時密友攀情話有時高咏擘
銀箋談經覓句互競賞逸興飛觴泛酒船淶爲巨浸
宜醲醴分春釀雪妙難宣偶來佳客擅風雅竹籬花

障羅杯盤兕觥玉尊轟鯨飲雄談博辯徵淵源我慙
少孤早失學提攜每許酣綺筵耳傾塵尾聆玉屑解
頤點石舌生蓮乃嘆先生真奇傑胸次豁達才翩翻
眼中多少豪華輩韞鷹縱犬追遊畋呼盧喚雉談飲
食買笑時矜錦繡團衣帽未始不楚楚人喙枯木匹
帛纏不爾蝟縮兼雌伏蔽衣垢面竊窮酸目不識丁
癡牛耳寧足上下三千年君不見俊及景升子豚犬
荊州拱手委阿瞞陶朱長子曾使楚千金吝惜軀隨
捐有財亦需善揮霍寶鏹不聞擁九泉又不見揚子
著立藐十萬富翁求附遭強訕官轉司徒聞銅臭子

調笑父尤可憐有財亦須知問學倚伏禍福識機先
不獨囊富腹亦富我目無兩惟君專出其緒餘藉沾
丐往來長者停高軒胸無城府視一例絕不俗態分
天淵時惟初夏花競發深紅淺白當階翻掩映新篁
碧窈窕香吹籜粉翔青鸞左攜經史右持盞課兒明
朗吟長篇人生際此復何歎斯亭不啻蓬萊山神山
可望不可卽何如人傳亭與傳

唐幢殘字行

書尙娥媚乏筋骨風度凝重推唐賢虞褚歐薛俱翻
刻真蹟從誰覓柳顏尤矣漁陽論唐榻縱非名手總

雙琴堂詩集

卷三

九

堪傳田穎巨雅譜未載秀巖晚出碑猶完清和朗潤
擅墨妙藝林題跋多名篇武功逸士憫忠頌片石珍
重矜幽燕可知唐人工八法殘碑斷碣比琅玕我偶
散步見疊石凌層欹側蓬蒿邊旁有一椽祀孔子拂
拭實爲浮屠言梵語詎容雜文教位置宜別嵌坵垣
字雖漫漶尙可識一行深刻唐開元易州刺史臣魏
靖敬率竝村男婦來蟬聯祝釐皇帝並皇后懺悔願
許金剛鐫事可補郡志未逮况復鈎磔畫森然心經
元秘庶彷彿度人靈寶依稀間十不得一亦可寶何
同瓦礫輕棄捐君不見子雲一字縉五百構齋賞鑿

恣流連又不見碧落千仞絕人跡陽冰坐卧眸爲穿
古人翰墨匪易得去唐况復及千年集古有錄想未
見不爾金石寧輕刪我來恨未偕榻手摩抄再四徒
垂涎誰其好事貽拓本不惜一字酬縑千奈何人俱
好媚不好古松雪趁俗凌誠懸陽曲山人曾齒冷誰
其識者知媼妍倚徙往復頻太息過眼乃竟等雲烟
爲徐階平題雪竹圖

我聞寫竹如寫篆筆能屈鐵斯盡善又聞成竹先貯
胸揮毫落紙彌從容搖風濯雨各有姿清標尤著歲
寒時君不見雪大如掌北風烈吹壓萬物羣木折支

雙琴堂詩集

卷三

三

撐天地賴此君獨戰玉龍鸞尾揭強君妙譽馳丹青

圖爲強國忠寫

顧名思義圖菁菁彷彿勢窮操乃見寸腕直

奪造化靈不作凌雲作凌雪瑟瑟個赫喧寓寒碧維其

挺勃威不屈啓遭困阨徵冰潔吁嗟繪事豈玩物端

人正士庶髣髴簌簌憂玉聲如聞文同李息應拜服

徐君獲擬錫百朋張之素壁几時憑出屯濟險屢盤

錯薄霜初履知陰凝心爲矜式默砥礪遭遇頻經路

偈仄樂貧守困氣增豪朗吟不露飢寒色見此畫竹

如見人窮冬沍冷猶涵春卧雪曾聞有高士柯不改

兮葉乃筠

贈賈桂巖

後生豪放輕前輩古心道貌嗤爲迂詩兵酒陣多能
事一談經義輒歛歔道聽塗說等拾慧竒書有幾如
賈居昔承母命游學渝泉上古蓮池畔參上湖上湖
夫子最淵博 天子知名充鴻儒時推先生爲督講
五經紛綸義乃攄各愜所懷解頤去乃是先生實學
儲低頭拜手誠悅服先生首肯吹噓枯未幾判袂風
雲散余乃奔走爲飢驅書雖十上擲不顧縈膝履躋
甘踰跌柴扉久閉忽剝啄投刺未磨君特書相別卅
載忽相聚老眼驚愕霜盈顱數年絳帳懸浙水規爲
雙琴室詩集 卷三 五

依倣胡湖蘇先生弟子名兩重循循雅飭當醇模於
今應聘來易水俞君有子玉筍如內舍俊秀外朗照
髫歲影鑑龍文駒我聞君語頻撫掌屈伸消長理數
拘天能禁君以科目天實藉君昌後圖誘掖新進務
實學經義惇裕腹華腴儲國棟樑推哲匠未必名遂
科申輸先生大噓乃俯首參來理數任糝糊

和成親王隗囂宮中瓦

黝然蝕土一陶噐爭傳隗囂宮中者匪同夔鼎增鄭
重鼠竊反覆足鑿也識同井蛙妄尊大罔知順逆圖
苟且豈知天子自有真將星光著雲臺瓦

賣酒行書贈俞賓南

先生豈是隱市廛乃不侯封治酒泉胸羅星斗氣貫
日憎命文章欲問天天公不語君默默凌雲意氣忽
翻然貴如衛霍且灰盡石崇豪富要領殘萬事不如
杯在手風光荏苒空青年拋我硯田多種秫廣收十
斛麩藁團噐具精潔座幽雅紅槽珠滴聲珊珊光奪
琥珀柔碧玉撲鼻香如百蕊攢蘭陵若下何足數清
冽終輸易水寒醞釀太和歸淳厚此中功用參聖賢
妝點太平醉爲瑞與人共結歡喜緣所惜慷慨悲歌
客俱逝金貂玉佩誰解腰間懸我欲左攜劉伶畢卓
手右迺嵇康阮籍阿賢肩團坐榨底酣甕下一飲拚
擲囊十千奈何杖頭竟蕭索麩生風味空垂涎餽糟
啜醕殊有意醒而狂也終非顛君不見長卿滌噐雜
傭保黃金買賦高車還難蜀父老雄負弩顧不遠勝
鄭虔三絕寒無羶

陸門山樵著

柳眼

柳綻春前眼乍醒。無邊光景仰垂青。撩風恰值三更起。送別何曾一瞬停。花畔含情看細雨。樓頭傳恨瞥疎櫺。縱教盼斷陽關笛。媚盡春光也不瞢。

荷珠

露滴青荷夜色鮮。如珠點點瀉涼天。翠盤映碧光如紺。紅粉凝香淚共圓。擎去若嫌魚目混。拈來未許藕絲穿。牟尼不垢須珍重。好並金莖耀壽筵。

雙琴堂詩集

卷四

一

簾波

鎮日垂簾閣倍幽。參差波動擬芳洲。一鈎影靜潭中月。半榻光生枕上秋。紫燕撩來襟未濕。碧苔映去翠如流。蒼茫更愛茶烟起。淡霧輕雲共思悠。

送路綬侯

連宵抵掌忘途窮。無賴征鞭意又匆。慣向風塵堅骨力。羞他落拓不英雄。吳山楚水酣吟外。雨笠烟蓑穩畫中。聞說上林花爛漫。相期笑語及春風。

虞美人花

霸業烏江付水流。美人貞魄至今留。情餘戀主低垂

頸魂怨難歸不舉頭經雨最憐看劍淚臨風想見按歌羞憑欄賦就添惆悵薄命紅顏自古愁

白石榴花

曾傳火樹烘千里何事翻如雪一龕閨洞開時迷鹿跡。崖州釀出擬霜甘。湘裙有淚痕融粉。玉砌無瑕影浸潭。沈盡胭脂爭淡掃傾城新寵妬安南

曹東旭孫衡山小飲郎拱亭

小亭如笠掛松邊。苔滑偏宜客屐穿。萑稻萬家供遠眺。溪山一檻繪晴天。能閑始信貧非病。謀醉何妨客解錢。談笑莫愁歸路晚。清陰兩岸夕陽蟬

雙琴堂詩集

卷四

二

荒齋對菊

莫嫌色相未全空。淡抹濃粧迥不同。夜月那知霜氣肅。午簾弗借日光融。最憐人靜香微吐。縱使枝疎葉自籠。解得淡如交最久。笑他春艷太匆匆。淒風冷雨漫紛披。野曠天空骨自支。熱客就來思隱逸。畫工看去悔胭脂。共憐花瘦人同瘦。可道開遲謝亦遲。高卧已輸彭澤令。寫君丰度憶徐熙

新柳

放眼憑誰寄所思。春光先到柳枝枝。溪邊黃啜鵝兒嘴。樓上青鞵少婦眉。未繫畫船烟雨外。不遮晴岫夕

陽時問君底日垂濃蔭汁染宮袍賦鳳池

送楚江俞丈再遊淮上

搜羅秦漢得神奇光滿襟懷色陸離跨鶴頓空燕市
駿驚人重賦謝家詩六朝寫出囊應滿一覺驚回夢
豈遲書法中郎原不愧剝殘誰惜大風碑

舟次大石衛村喜月

連朝陰雨江生霧此夜江澄印月明兩岸梅風香有
迹一篙竹影碧無聲杯前山色啞詩拙眼底天光滌
慮清逸興欲飛難就枕寒鐘遙寺聽三更

黃鶴樓

雙琴堂詩集

卷四

三

雲中鶴駕杳無情鄂渚層樓煥眼明殘照赤銜荆口
兩疎橈爽挹漢江晴三分霸業餘雄壘萬戶春風簇
錦城香稻盈疇游女靜鳳鳴端比鶴鳴清

雲去憑誰問鶴踪登樓只自俯晴空半牆梅影雙山
月萬里江聲一笛風眼界頓收南紀勝詩情應占霸
圖雄吟餘更向斜廊坐碧瓦如鱗漾漾紅

過洞庭湖

纜繩纔解沙洲繫放眼已愁無際垠幾點峰尖迴浪
捲四圍天角遠波吞湘江蜀水空分注賈客篙師總
斷魂好借一帆風勢利哦詩未了到天門

岳陽樓

征帆暫歇石尤風。高陟危樓挹楚雄。萬頃碧浮虛檻外。千峰青揖曉牕中。首回天地羞騷問。景入詩篇歎杜工。相熟酒香真福地。荒唐休說呂仙翁。記讀鴻篇已卅年。可能憂樂印前賢。地瀕吳蜀三江水。人快登臨半日仙。風際湘帆輕似燕。望中天嶽小如拳。已知才謝登樓賦。况說希文不朽傳。

星沙八景次隣舟金生韻

瀟湘夜雨

迷離濃霧鎖煙鬟。秋滿瀟湘夜雨潺。菑挹翠痕香細

雙琴堂詩集

卷四

四

細竹添清淚。點斑斑。夢迴孤枕。虛神女啼聽愁猿憶。舊山戀醉漁翁。寒未臥。一燈紅綻。碧蘆間。

洞庭秋月

洞庭湖水競秋寬。天倒空青月正團。虛壁露澄千頃淨。素輝風送萬帆寒。隈城樓閣開銀界。極浦烟村沐玉盤。新得君山茶欲試。清光汲取盞珠湍。

山市晴嵐

匹練嵐光籠翠岬。就中晴市恰相期。雨痕尙裊花間霧。日影斜開酒肆旗。涵碧迥非瀛海幻。拖藍兼與鬢烟宜。香傳笑語樓臺渺。絕妙風光餉畫師。

漁村夕照

殘陽半掩碧灘蘆粧點漁村繪暝圖網曝沙洲歸晚
鬢魚攜山市換新沽半帆霞影分鴉背一枕蓑痕待
雁奴好是雞豚明日社隔溪樵牧笑相呼

遠浦歸帆

溶溶寒浦接天浮幾葉輕帆亂遠眸曲曲好山隨棹
轉層層仄影逐雲稠烟村何處連芳草欸乃一聲破
碧秋倚檻正多湘女怨可從指點慰離愁

平沙落雁

平沙漠漠白如霜嶰峭西風落雁行修羽帶雲還墜
雪暝沙宜夢似歸鄉陣排背水連江濶聲繞寒蘆寫
怨長不作書郵惟避弋圖南還逐大鵬颺

烟寺晚鐘

蕭寺籠烟隱翠岑晚天鐘起最關心寒隨霜彩飄殘
葉清入風絲度遠林敲破碧雲諸品淨喚回明月半
山陰花鈴魚唄休相擬萬斛塵緣感客深

江天暮雪

密雪蕭蕭灑暮江逼人天氣酒難降半橋梅影含村
暗亂柝風聲帶玉樅沙隱飢烏青數點鈞寒孤笠碧
無雙就中誰得春消息黃卷青燈半掩牕

泊冷水灘

密霧寒雲鼓柁遲灘名冷水沁心思竹牕曲曲翻江
碧橘樹纍纍嵌石竒客艚亦爭商聚處市聲偏溢歲
除時卜程怕問南來賈慣說風波路易歧

興安舟中守歲

寒杯遙奠鼓帆風在苒年華信轉蓬雁序五人天各
別家園萬里夢誰通愁添灘水三分曲春滿陰山一
片紅幸藉故交相笑語榮枯何必問蒼穹

登獨秀山

時寓桂林山下即粵西貢院

儼然聳秀出蒼烟翠嶂休誇地脈連遠帶粵江高插
雙琴堂詩集
卷四
六
漢近看衡嶽大如拳光臨奎閣南天淨青入薇垣北
斗懸妙句縱教輸謝眺獨彈相賞亦爭仙

靈川八景用郡志韻

堯顛晴雲

則天昭象見崇山繚繞雲晴慶粵蠻三百源開珠瀑
落一區田產玉華斑青獅峻峙鍾英秀白鹿香眠藉
草閒於變我思民向化漫教佳氣隔重關

障峰霽雪

北門鎖鑰峻無雙雪霽晴空接遠邦曲展秋風臨斐
几煖融春雨瀉灘江燭天淨洗金莖露招我清吟玉

板腔景賦終南輸祖詠深盃雖罰筆猶扛

潮泉三漲

弄汐人休詡海門西峰石竇濬靈源織塵不點雲天
影新碧偏留子午痕繞岸翠浮嵐氣合漾風光逐月
華翻還資灌溉蘇民困慰藉依山幾萬村

筆峽千秋

危峰如筆倩誰拈漠漠秋光染處添水蘸銀河風欲
瀉界開金闕月無奩紅飛霞片箋疑擘青裊烟空穎
自尖文運尙同南嶽壽不愁才盡索江淹

雲谷龍昇

雙翠堂詩集 卷四 七
谷深雲淡氣如蒸舊跡神龍此上昇碧眼尙留青岸
峙水鱗空向碧秋澄蟠泥漫信千年蟄破浪爭誇萬
丈騰禱早蒼生頻慰望無邊利澤驗芳腴

石潭蛟隱

毒蛟聞說肆貪婪神奠民生攝石潭未許妖氛吹瘴
癘直將窮鱷壓雲曇碧通舟楫湘江北利穩漁山粵
海南賸事欲詢裴內史青松白石理香龕

月洞蟾明

窟鑿山根擬月初柱天山右繫蟾蜍青吹桂影千峰
冷白寫雲華一洞虛御去素輝風際漾吐來青碧雨

中餘小軒誰向寒光築掩映鬚眉好讀書

書巖鳳瑞

書巖鬱鬱鳳曾鳴瑞兆千秋地藉名榜影葳蕤文彩
著山花彷彿羽毛明兩苔篆碧留行跡風谷傳音有
翮聲物貢遠方羞白雉來儀還與奏彤庭

咏暑中春桂留別用事者

秋光錯過意遲遲慰我偏開第一枝暖度春風羞杏
艷寒銷殘雪笑梅緇自擎粒粒星前彩誰解飄飄天
上思寄語山茶休絆惹恩光端就日邊移

泊舟石期市

雙琴堂詩集

卷四

八

江流山轉路參差中有人家樂穩棲水接琅玕爭委
曲籬邊石逕任高低度風花影頻疑犬落月鶻啼每
亂雞惆悵客舟難久繫蘭橈將發更留題

憇淮山寺老衲剪花見貽感賦

聒耳江聲攬夜春招提小憇悅山容茶烟香霧雲難
界碧竹丹花路細通晴檻遠收三楚勝曉鐘清徹萬
帆風一枝折贈春還笑笑我年光飄泊中

攬鏡

年去年來歲月磨千金不買忍輕過宵中屢舞劉琨
劍孟底愁聽魏武歌萬里債途償兩雪半生詩思冶

風波壯顏惆悵難留駐任把青銅自揣摩
何緣逐鹿走西東裘敝鞋穿到處窮誰向關山迴白
眼轉教骨肉冷秋風玉成錯解天多意金盡纔知術
未工已往難追來莫負圖南高舉羨鵬翮

悟上人贈菌留啜茗

誰破苔痕叩轉廊老僧鮮菌贈盈筐手擎淨濯天花
雨匙滑甘分法乳香配有菜根勝肉鼎咽兼雲液薄
霞觴酬君那更伊蒲設茶喫新泉煮半鑪

欲晴

雨後風光澹似秋下林殘照散清幽庭陰淨合苔痕
雙琴堂詩集 卷四 九
補野逕遙分澗水流幾處釣竿垂柳畔一簾畫意展
山頭更聽牛背童吹笛破暝聲中更破愁

聞盧雅林函信寄詩哭之

生是男兒志四方驚傳物化委江鄉倚閭尙切平安
報繫帛難將道路長留句可酬春夢幻注經誰續筆
花香天公位置應難問我爲懷君髡已蒼

玉樓有召又焉辭數厄如君最可悲半世疋羸腰耐
瘦一朝風雪骨難支江寒遠隔晨昏夢魂餒空餘杼
軸思遙憶天涯腸斷處含愁無訴益凄其

憶秋若弟留粵西

歸時自耐本來貧。歸後翻憐伴去人。弱病最愁烟瘴
厲。孤單誰與笑言真。覆巢完卵難先計。掩袖蛾眉只
自嚮。慰我秋帆應早掛。膝前兒女淚沾巾。

霜葉

漫道韶華信久沉。一天霜色燦高岑。淡雲烘處風偏
艷。暮紫凝時雨正深。幾度水流誰寄恨。獨停車坐最
關心。蓼紅蘋白都無色。傲骨丹忱个裏尋。

步孫礪兄看菊韻

冷香朶朶綻寒枝。無限秋光任短籬。自賞孤芳誰送
酒。劇憐瘦影一題詩。笙歌有地甘遲隊。蜂蝶無情幸

雙琴堂詩集

卷四

十

早辭到得餐英還。鄭重淡中臭味與蘭期。

秋夜對雨

幾陣商飈已送秋。絲絲涼雨滴無休。半窓夢斷蕭騷
韻。五夜衾添輾轉愁。剩酒欲煨灰儘撥。寒衣無具篋
空搜。黃金勝友憑誰訪。贏得山容覩曉樓。

憶翼庭五弟隨任江右

勞勞身世一塵微。生計依人總屬非。牢已亡羊何益
補。逕猶存菊不如歸。風波惡處休貪釣。面目真時轉
樂飢。欲著祖鞭須努力。五陵裘馬薄輕肥。

寓洪崖山下遇雪同九弟晴區作得驢字

冷風颯颯透蓬廬，格是聲催雪滿除。送炭有誰空掃
逕，踏梅得句不須驢。味添陶穀一杯茗，光徹孫康半
卷書。莫羨淺斟低唱樂，吟肩高聳正相如。

雪意不止再得牛字

疑絮疑鹽糝，不依塵埃淨。盡客忘愁寒，生窓竹清添。
漏滴結簷風，密綴旒詩在。霸橋清一逕，圖開陰嶼繪。
雙眸蝗消更卜調，陽律底事停車問喘牛。

連夜雪至長至日彌大再得紅字

左縈右拂散遙空，農慰來年穩告豐。春逗一陽占土
活，瑞連千畝驗雲同。寒江畫點魚簑碧，晚圃香吹菜

雙琴堂詩集

卷四

十一

甲紅賦擬謝莊慙筆拙，任闍難韻續曹風。

再得黃字却寄舒伯西省試譯館

途啟滕妃白電颺，漫疑月殿舞霓裳。雲同眼際天無
夜，玉滿人間水盡方。韻刻拈鬚詞戰白，恩傳稅駕竹
歌黃。可能衣集彤庭瑞，清賞吟資粉署光。

登古燕舊城

古城蛇蟻接天清，指點烟村放眼明。幾樹綠楊歸燕
子，半村殘壘剩軍營。望諸祠廢雲猶陣，壯士歌停水
作聲。叫峭東風愁不去，春蕪又逐舊袍生。

燕子軍營皆
附近村名

李御東書齋看花

闌居不碍近官衙。小院疎籬興自賒。宵露碧浮三徑
草。午晴紅透一簾花。人非問字門常閉。鳥亦憐幽韻
不譁。更羨黔婁交謫。少助君清味。試新茶。

咏紅指甲

碎搗窓前金鳳葩。笋斑玉指茁丹芽。勻脂時見梅飄
額。攏髮偏教髻綴霞。豆摘疎籬霑蓼雨。琴彈流水落
桃花。更憐拋淚停針處。郎逐猩紅驗繡紗。

爲躍如兄悼亡

摧折今番信可嗟。傷如奉倩思無涯。曾甘藿食終身
樂。難得孀姑廿載誇。覓乳最憐兒在抱。待媒爭奈女
無家。低徊如許傷心事。未必芳魂去路賒。
豈知夫子竟長貧。井臼蠶桑事事親。每聽機聲纈五
夜。何曾花韻鬪三春。殘針斷線猶留篋。裙布釵荆更
慘神。他日歸來燈暗壁。艱難心曲話誰人。

館張氏示弟子從遊者

三間雅築傍清濡。信是幽人適意居。渡石曲通深柳
處。古棠斜接短墻餘。虛窓留月光生滿。小院來雲影
度徐。位置這番真不俗。漫勞多事嘆權輿。

才調原輸杜牧賢。樊臺那得比樊川。談經也自勤鉛
槧。御困方知少策鞭。依樣葫蘆余未敢。傍門桃李爾

居然青燈黃卷休相負耿耿書香一綫傳
芝蘭玉樹久聞之次第看來世所奇不數竹林咸與
籍共占花榜縉偕維逢人欲解垂青眼攬鏡先教認
白眉珍重光陰駒過隙蹉跎余已悔來遲

病中

也知清福難消受無賴春光病裏過滿地落紅閒杏
雨一窻虛白怯簾波漫思滌垢茶頻淪莫可驅愁睡
任魔咄咄書空緣底事捫心偏覺鬱懷多

偕諸同學露坐

縛帚隨風淨掃塵滿庭深蔭坐移頻月澄竹碧清如
雙琴堂詩集 卷四 三
水雲漾天青細作鱗無事最宜茶浣俗會心可得語
驚人詩情話意探無盡漫說蕭齋一味貧

慰五弟江右失意

詎將裘馬羨風流幸是歸人罷遠遊依舊蕭條仍骨
健更多歷練任囊羞詩鎔膝閣廬山勝魂斷江南水
國秋逗我離懷吟不得逼來風雨喚回頭

月下懷

新愁無賴上眉峰檢點圖書罷晚工花影靜移當檻
月窻簾斜捲入簷風未來好友閒楸局還酌餘沽倒
竹筒除却前溪幽韻瀉一天清意又誰同

遊釜山寺

晴雲覆釜費追尋。始向招提一俯臨。徑撥雲根妨雨滑。衣沾香霧踏花深。青冥迴合千峰翠。空谷寒吹萬壑音。迴首塵緣飛不到。數聲清磬起遐心。

紙鳶應南川羅夫子命

雲路端憑一線通。鳶飛仰視戾天同。兒童幾隊喧晴處。景物三春繫望中。摩盪漸欣霄漢近。剪裁倍覺羽毛豐。經綸此日從君展。好借吹嘘是惠風。

鍊馬

流鈴高鐸漫聲傳。鍊馬空羣韻憂然。幾陣曉風嘶竹

雙琴堂詩集

卷四

古

逕。一痕新月蹴花磚。幽閨夢破魂應觸。畫閣人來珮共珊。我亦有懷鳴萬里。借君清警思揚鞭。

九日樊臺登高

心緒常需濁酒澆。况逢佳節一登高。眸開絕頂塵烟淨。思入秋風興致豪。把菊欲簪狂落帽。倚筵獨醉笑持螯。石田賣盡催租少。放胆何嫌韻得糕。古臺漫說遜山穹。占盡淶陽亦自雄。幾點茅簷雲外白。半林霜葉望中紅。一時倡和師兼友。咫尺家園弟憶兄。無限秋懷吟不盡。寒流臺下響淙淙。

樊館山懷古

剩有荒山紀姓名漫尤當日事無成石斑碧血凝英
氣樹吼寒風帶恨聲舊館莫尋芳草合遠眸空逐曉
雲清強秦天縱今何在話到臨頭氣轉平

謝谷曾若贈山水小幅

蕭齋頓覺烟雲滿那律藤溪放筆花幾曲春山爭北
苑一綸秋水悟南華卧遊不減宗圖勝攬景何須謝
屐餘我住吟詩忌策杖香爐茗椀更移家

夜讀湯文正公集得乾蓮瓣于夾頁中

第一清官謚典彰遺文監露展燈旁絲欄已放心花
酸蓮萼還爭墨藻光想見蘇門拈笑意疑留御案惹
衣香功名鐘鼎余何望一瓣誰傳志學長

雙琴堂詩集

卷四

五

贈海雪江

淡盡炎氛號雪江慧心冷眼士無雙囊函天半峨眉
月卧穩山中薜荔窓幾畝烟霞空笑傲五車經史任
琤琮如讐疾俗誰堪侶閉戶常蹲吠客厖

李東美書齋看菊

菊開到處擬東籬獨有先生位置宜淡薄味從閒處
領參差影共醉來移幽香醞釀經時雨冷艷紛披映
絳帷取伴竹松多雅意歲寒風景借支持

留梁若伯西兩夜小飲

蕭蕭雨韻逗閑愁佳客欣爲剪燭留
碧韭紅樽消半夜青燈黃卷度三秋
可人菊靜香初綻壓我詩工句
再酬漫道更寒蘆被薄撐腔骨傲五陵裘

步桂村表叔秋海棠韻

不藉東風度鎖園秋容管領勝春繁
酬他金谷雙行淚羞煞楊妃一捻痕
價重只今空着露香消何處可
招魂傷心千古同青塚惆悵詩人夜月樽

步李慎旃表叔秋夕聞雁韻

星河淡淡繞書樓涼夜何堪雁叫秋
恨寄關山千里外寒生風月五更頭
驚心自嘆榮華暮對燭誰知拊

雙琴堂詩集

卷四

七

攜愁舊是青氈應倦卧期君雲路尙前籌

和林潯溪九日易水登高韻

時林作賓州司馬幕府

書劒橫囊羨壯遊芳名九日勒燕邱
狂來風雨還吹帽吟罷鄒枚亦俯頭
易水寒隨鄉思遠郎峰秀儘筆尖收
上林咫尺需君賦蘋白花黃一任秋

同郭安陽石亭山晚步

山市聲稠趁晚晴酒旗春杵繪昇平
村連石澗爭炊稻人醉衢樽不戒更青點
暮雲山黯黯碧浮虛澗水盈盈插秧種
柳明年事約我春祈赴社盟

七夕擬牛女贈答

銀漢斜分苦別離。一年一度慰相思。風光自耐秋冬冷。日影誰憐春夏遲。鵲羽有情傳好事。雞聲無賴促佳期。人間天上情何異。却是顏華無老時。多情轉覺恨將離。一倍歡娛一倍思。錦上風光遮眼過。梭邊日月織愁遲。漫教別淚千行洒。須解良宵片刻期。贏得自憐還自得。廣寒終古熱無時。

賦得夜燈紅處課兒書

諸課紛酌日太忽。課兒還是就燈紅。期酬虎觀燃藜願。應媿熊丸畫荻功。千卷朗吟爭夜雪。一經舊德重家風。殘編蠹簡神明在。刮目曾聞有阿蒙。

雙琴堂詩集

卷四

七

遊南寨山同賈莊溪李勤丹

幾林紅紫艷霜腴。笑語渾忘窄逕紆。行到淡無烟火處。眼開絕妙古今圖。朝晴暮靄隨時幻。鬼斧神工嘆再無。爲欲飽餐天地秀。席茵禪室學踟躕。

壁立千尋尙翠微。插花形勢見應希。峰危絕少通人徑。境奧還爭任鳥飛。短簿吟情翻索漠。將軍畫本詎依稀。奚囊羞煞空擔去。領略無多怨落暉。

萬斛塵緣頓覺刪。挈家何日樂閑閑。信能因樹聊爲屋。最喜開門便見山。茗椀重攜追此度。詩情再補爲同攀。閨仙白也兼籌畫。莫遣烟霞笑我慳。

次治里店

探幽自恃輕車穩不憚凌霜犯曉塵絡繹鈴音知近
虎萬千石狀慣驚人漫敲十里秋山句且買三盃野
店春欸洽更欣逢舊識前村指點認迷津

孤峰吟贈李勤丹

青葱鬱起向平原可是飛來落眼前裊翠自能攢地
出矗空誰復說山連雄爭關塞標如柱危簇烟雲握
似拳獨秀聞爲才子兆蟠根仙李欲摩天

梁若邀同門人遊北山寺

放晴天意與人期樂在登臨自不疲老樹艷矜霜後

雙琴堂詩集

卷四

六

葉秋虫暖噪午晴岬紫荆塞遠浮眉角白石幢孤闌
蘚皮此日遊觀誰繼美一時風雅弟兼師

謝李幹齋胡桃山栗之贈

投贈非關却老方千苞萬顆出筠筐拾來風雨愁迷

逕將去兒童笑解囊古質曾誇賢有象胡桃質似黃

中還美玉生香唐人咏栗有中黃玉比質之句紅燈綠酒宵吟罷絕

勝傳柑飽德長

索李勤丹烏薪之贈

拾得寒山詎足珍漫矜如桂斲傳薪風霜歷盡灰還
撥刀尺宵寒手慣斲黍谷肯吹鄒衍律袁家不少謝

池春雪中青眼惟君在何似綈袍戀故人

謝崔翼兄雙毫之贈

可是江南夢筆餘分牀移贈比雙瑜文章敢冀湘東
品詩思欣從硯北呼揮處那能垂沆漭架來却愧少
珊瑚著書滿架容他日淨几先教墨不孤

咏白丁香

玉樹叨陪謝砌芳縮春爭似蕊宮粧綴來珠耀燕姬
珥結處心凝荀令香淡月有誰嫌瑣碎暖風使我耐
清涼星星移取書檠照訝向霓裳解珮璫

館東馬營崔氏卽事

雙琴堂詩集

卷四

九

東馬營猶傳勝國陳蕃榻却下徐生雲閒朔野孤扉

靜月拓南牕北屋明帆影有時凌燕影市聲絕不聞

書聲離奇樹更徵前定齋額香曾借棗名曩余寓都

丈為余題額曰棗香書屋蓋取早字同音寔無此樹也今館中頗多而天矯離奇俱百餘年物回憶曩額

幾若識焉

百斛龍文愧未扛切磋忍使負明窓句傳黃鶴才無

敵崔子工詩選重青錢士有雙張子聖基德談妙塵頻揮

玉屑賞奇花每璨銀釭水寒青勝原非謬淹滯年來

應笑江

讀新城志次馬紋徠先生韻

地當津要重喉亢志乘編成墨有光柳色春傳粧閣

畔邑有遼后粧樓稻香秋繪斗門旁邑有斗門社即何承矩開水利處為憐

見七圖空獻邑有督亢亭傳為荆卿繪圖處可笑輸腴策未良邑之白溝

河即石晉割十六州賂契丹之界備載興衰悲五季恩讐誰不似封

狼

衮褒斧貶筆頭爭曲直端期信此生風雅虫魚非瑣

細尾箕星野最分明先生纂志自謂于星野物產二冊獨具匠心疏傳請

冠同三俊邑人劉寬天啟中官給諫疏斥閹官建言請太子早行冠禮直聲大著邑近容城容

有三君子祠戰美摧燕重百城建文朝瞿能拒燕王師戰設白溝先生有詩弔之

高隱五公誰補傳清風亮節比山嶽

雙琴堂詩集 卷四 三

遠峰近水依依底是衝冠客未歸喉扼界河軍不

北宋張叔夜扈從北狩至白溝從者曰至界河矣張長嘆不食扼喉而死功收顯德戰

寧非志載顯德年間戰敗契丹復還數州雲孤佛塔晴天峙烟靄時林

秋色飛邑有蘭若佛塔時林秋色之說曠代風流元拜住邑有拜住墓尚

餘華表冷殘碑

南北中分趙與燕低徊往事自堪憐文丞失宋空揮

淚文信國過白溝有弔張叔夜詩鐵騎強金憤渡淵橋說昇仙誰賣

藥邑有昇仙橋云有賣藥者人來開善漫留年邑有古刹

名開善寺不知創建之歲獨後楹石住周旋璫難翁

何處望到蘇門雲樹邊明季璫難新城張于度曾以

其姓名豈以其
學家去汲縣耶

次趙北口

嗟峨老樹澹烟痕古渡津亭買一樽橋宛虹垂天路
近時當報賽市聲喧瓦關戰壘田如繡水淀漁莊荻
繞村况是豫遊沾寵渥綠陰丹篆紀承恩

鄭亭懷古

當日雒州獨擅名祇今風物見充盈貨通蟻聚舟車
客麥秀雲寒新舊城瀛水未湔長樂醜高邱空誌守
陴名爲詢父老談遺跡歸路遲分漁火明

扁鵲祠

雙琴堂詩集

卷四

五

掩映雲霞一刹明四方祈禱竭精誠續紛瑞靄凝香
靄歡忭歌聲溢市聲抔土豈知君尙死活人誰擅術
長生但期春意腔中滿自許功參變理情

謝友寫竹蘭

剡溪半幅展前軒娟秀森然色可餐一掬露光分楚
晷幾竿烟影擗洪圍頓教溽暑生秋思長欲虛牕貯
月痕愜素宛如君子在幽香清節對忘言

期王孟閑不至

佳音珍重寄雙魚月白風清望乃虛擁篲頻除三逕
草墮門誤聽幾人車未能遣此翻憐影何日忘之轉

廢書咫尺竟同空谷遠山陰訪戴興還餘

喜王孟閑過訪再疊前韻

羨君雅雅復魚魚倒屣嘉賓信不虛揮塵正欣蘭馥
座看雲轉恐雨催車詩拈新解頻敲韻論破前人勝
讀書相見又愁相別苦看來眼底總無餘

孫礪山留飲居易草堂

最切他山勗好修錦囊未滿阮囊羞嗟余到處酸鹹
異問爾從誰針芥投謝客草閣三徑碧閣雲槐蔭一
亭秋地幽甚可聯清話幾度呼樽促典裘

破笠

雙琴堂詩集

卷四

三

編綴當年幾度勞等閒破綻忍爲拋衝風未免掀驢
背疑鵲猶堪掛柳稍飯顆山前頻耐苦科頭松下莫
輕嘲相逢他日車看下曾共華軒誓久交

龍山吹落旁人整若箇飄零我自憐常伴青簑禁舊
雨偶拋碧蔭掛疎烟補時月影翻留膝荷處晴光總
被肩莫恐棄遺生怨悔團團紈扇且輕捐

暑中喜雨

溽暑炎熇鬱不平倏來好雨愜心情翠濃樹裊茶烟
濕香靜池含露氣清亂響竹窓風欲滿乍涼湘簟夢
爲輕閒情賦得瑤瑤韻爲和簷前浙瀝聲

索米炳文新詩

秋暑天資興倍長溪頭山脚足徜徉碧縠魚影乘新
漲寂破禽聲暢晚涼斜徑步停僧就語空階書悟月
來商幽情畫景閒收却貺我應分視北香

馬昌五留宿

蕭帽芒鞋不宿來偏從岐路慰徘徊樹寒曉露蟬多
澁門靜秋山菊未開風雨興豪詩在壁茱萸香細酒
餘盃後塵可步成佳話重補登高醉翠幄

門外時停長者車白眉聲價信非虛胸羅星宿韜鈴
富志僻農桑要術備講藝每遲三鼓睡養心還讀五

雙琴堂詩集

卷四

三

更書攜樽就月相於酌娓娓蘭言味有餘

觀楊忠愍劾仇嚴二疏草稿手蹟同王孟閑賦

紀

乾坤不泯墨華光歷劫猶然什襲藏拂拭有稜真侃
直低徊無那碎肝腸劇憐一卷風霜氣空化千秋柳
鎖香鐘鼎縱教他日勒孤魂猶憶困銀鐙

浩氣何曾散太虛行間字裏現眉鬚只留一掬恹惶
淚不避當年斧鉞誅讀向丹墀人股慄收來蓋篋子
號呼奸權灰土奚堪較此紙堅光永不渝

珍來莫漫等烟雲血性中流絕妙文鳴咽氣吞嵇紹

節悲涼聲重岳家軍須知掩卷常如此纔許拚身不
愧君今日相看足千古那關柳骨與顏筋

較路宮贊遺集跋後

光風霽月信無私杖履親承憶玉芝

宮贊軒名

果餌每分

朝罷後笑談偏劇夜深時觀君壇墀忘毛遂贈我雲
山做大癡零素斷縑珍秘篋一番揜點一番思

共知華國有文章我羨安貧道味長職盡纂修甘守
素家除經史不生香朝衫慣爲嘉賓典老興惟於雅
集忙炊斷囊空渾不問臣飢侏飽笑東方

編簡於今幾頁留劇憐令子苦冥搜郵亭敗壁披風
雙琴堂詩集

卷四

五

兩故老窮荒問倡酬贏得珠璣歸半籠更誰梨棗壽
千秋茂陵著作徵他日好并江河萬古流

一別誰知判地天不堪回首十餘年頭顱老大仍羞
鏡騰踏艱辛枉費鞭爲憶提攜披舊句宛將風雨繪
籬筵九原知己憑誰報蹠躑雲途屬象賢

同路綏侯眺雲亭有懷壺溪夫子

客愁重疊計難排放眼登臨陟翠厓拱堞烟村晴歷
歷隈欄雲水響潛潛高吟彥會空回首老樹斜陽倍
感懷誰嗣風流賢太守千秋片石話留佳

送路綏侯之楚

催別西風兩度秋。文旌欣看故人留。寒暄互拭雙眸
淚。貧賤還憐一樣愁。漫爲飢寒隣。襪好于閑歷。慎
交遊。武昌魚上青梅熟。壯志應題黃鶴樓。

留君不住小盤桓。瑞兆同心燦葍欄。詩爲迨程倚馬
待。曲因咽韻強人彈。最憐坎壈情偏摯。却愧周旋事
每難。屬望暖回吹律遍。莫教易水總歌寒。

葺舊廬示子

老屋三間祖德貽。額題敦良重栖遲。當年杖履猶如
見。弱歲斑斕正可思。有志擬恢經史業。何心不畏兩
風危。徹來桑土休辭瘁。珍重前人始築基。

雙琴堂詩集

卷四

五

那能刻桷與丹楹。樸拙端宜式老成。偃仰未遑仍舊
貫。綢繆且喜趁新晴。暖雲簇簇苦茅密。新燕喃喃亞
粉明。免却飄搖支几穩。青氈莫間讀書聲。

寄候燕翁世叔

時翁館定興蕭熙亭家

父執凋零嘆曉星。巋然一老獨傳經。范陽桃李矜培
植。鄉曲兒童素典型。病後惱人鬚盡白。樽前論客眼
誰青。逍遙倘遇江村叟。問訊乾坤北海亭。

亭爲鹿忠節講學處

一卷丹黃度此生。桑麻雞犬等閒輕。不慙董子諳儒
術。真得蕭郎作步兵。兵意氣少年空有夢。編摩三伏倍

關情。遙憐揮汗驅蠅處。老眼猶爭虛白明。

辛盤回首倒春樽
彈指偏教耐暑煩
杖履祝君同茂樹
蕭條仍我曝寒禪
暮雲望渺愁三月
晚景堪娛藉一孫

翁有孫隨館

新葺做廬何日過
老成模範試談論

祝岳母崔孺人

棹樓門輝太史書
徽音節孝媿嫜姑
試看兩世森蘭桂
想見生平耐葉荼
午夜殘機鳴月冷
秋原滯穗拾霜濡
曾聞蔗味甘千老
萊綵潘車樂且娛
撫孤母也實兼師
斟酌寬嚴兩濟之
廩餼早沾供色養
相材小試噪名醫
家聲有子承無忝
鳩杖諸孫繞更宜
雍睦不知藿蒨貴
和風麗日卽瑤池

雙琴堂詩集

卷四

美

憐余怙恃失髫齡
教勉何曾異所生
每爲抱甥期宅相
更時警女效雞鳴
祇今奔走投車暗
何日門楣煥眼明
逐隊稱觴慚素手
星瞻寶婺祝長庚

寄勗坊姪

採芹小試尙懷慙
悠忽誰爲易夙愁
自解下帷期尙志
便應焚塵罷清談
指彈日月雙丸過
鈞重箕裘一髮擔
試看阿侯長滿抱
如斯式穀爾何堪

初度感懷寄示弟輩

鬚髮行看漸入星
功名兩字尙無成
十年落拓餘書債
八口飢寒恃舌耕
回首庭闈賸痛哭
側身天地懼

虛生村醪縱使堪謀醉無賴憂思自繞縈

青瑣當年致仕時先都諫歸田時年方四十那堪初服尙如斯傲

裘慣笑秋闈月暗火難吹祿閣黎嬉笑險遭文字禍

奔波贏得骨筋疲歸裝一事差如意幾卷親鈔絕妙

詞時有王施朱宋四家詩選

四十無聞劇可羞擁書漫說等封侯誰憐餬口文章

賤獨耐攢眉客思稠時擲青春追不及硯穿寒鐵力

須道雞鳴劔舞前型在敢任蕭騷雨髻秋

孫礪山曹東旭韓默思舒伯西過訪留飲

珍重相逢意自親攀留清話午餐陳一壺白隴才沽

雙琴堂詩集

卷四

七

市幾種青蔬任乞憐展帙墨浮窓竹碧敲詩艷奪檻

花新流連盡日成心賞暢我幽情亦忘貧

訪沈六吉泥溝村

何曾容易到柴門溪轉峰廻深抱村旣到尙疑途或

舛進探真覺妙難言不緣風過吹書韻誰許苔封破

屐痕信是幽人高隱處茶經花史細評論

兩後偕躍如入山訪梁若畔石道中作

新晴蒼翠擁槃阿爲訪幽居並轡過避水怯臨幽徑

仄停鞭貪看晚山多誰家草閣懸雲樹幾處耕人曝

笠蓑長嘯一聲傳絕頂攀躋無計問松蘿時于修來從山頂相呼

咏黑丑花

誰牽弱蔓碧敷垣。幾朶新開韻小軒。別有丰姿鉛粉外。儘看點綴水雲根。輕隨翠羽排烟際。遠襯殘霞破雨痕。最是曉風吹綻處。解顏幾度倚秋籬。

瓜圃

種瓜豈學東平隱。綿瓠欣看裊蔓長。幾畝綠雲天映碧。一盤黃雪露輸香。疎籬爽徹宜殘醉。小徑陰多愛夕陽。珍重古歌誰再摘。團圓月影待秋光。

蘆花

風光曲岸客居幽。簇簇蘆花白照眸。若絮最宜眠瘦鶴。如雲不得觸虛舟。江霞遠映紅偏淡。漁火寒吹碧儘秋。不少雁啣天際去。停看高唱九霄籌。

雞冠

昂然傲岸出寒叢。想見當年佩劍雄。翹去有誰煩掃陣。祝來端不怯張弓。霞飛天半還留影。香結唇尖不散風。從此晦明應助我。依依如話曉窓中。

新柳

曲譜梁園舊夢迷。勻黃點碧又枝枝。弱垂朝雨頻拖恨。愁寄東風一展眉。渡燕影隨春漏洩。逗花香共絮紛披。王恭濯濯今何似。汁染宮袍正及時。

紫荆花

的爍春風綻紫荆幾年植得傍軒楹靖邊香遠傳燕
塞州志紫荆園以花多名映日霞飛接赤城樂到天倫人並茂

班來好友月偏明茶蘼迴視應無色移入薇垣倍覺
榮

晚香玉

如玉含香小檻移晚風吹綻最相宜夢醒蕙帳疑梅
閣露濕濃烟映雪卮淑氣襲人更靜後幽芳清暑月
深時殘粧插處尤堪賞一段秋光報桂枝

秋日漫興步桂村表叔韻

雙琴堂詩集

卷四

五

慚愧詩名號入又悲秋日送雁行斜能豐毛羽天疑
近拚飽風霜路豈賒抱病瘦分殘菊影微吟冷耐晚
楓車不緣木落荒烟迴誰識蠶桑處士家
守舊難尋水面磯無邊秋色尙芬菲斷瓦影落閒垂
鈞落葉聲乾靜掩扉早秣釀成缸正滿新篁買得蟹
初肥禦冬遮莫愁無計殊勝天涯客未歸

非關學稼卜陰晴趁罷窓明趁壁明字較螢光心亦
耿劔藏秋水氣原平漫疑銀漢長相隔還喜蟾宮乍
解盈試誦微雲疎雨句驚人詩思未忘情

戀午寒虫切切鳴不禁號怒起風聲疎林葉落山皆

瘦月小天高眼自清長嘯有時同鶴警低吟無那對
霞明含毫懶作蕭騷賦惆悵年華擲半生
籬菊叢叢解綻金羞余短髻更思簪半生肝胆塵中
夢一枕烟霞物外心北海樽空誰憶昔齊門竽濫竟
遺今後凋勗我惟松柏不向朝華較尺尋
泥壁苦茅葺舊廬差強歧路泣楊朱架留手澤仍千
卷牆界山容展半圖人以能閒恣眺賞學愁不殖信
荒蕪清宵自忖還多慮枵腹猶能富也無

曾逐青蠅附熱官迴頭殊覺負天寬浮塵頓惹三千
丈遠夢還驚十八灘烏柏丹楓看畫飽淒風苦雨覓

雙琴堂詩集

卷四

三

詩難而今方解閒居好遊興憑人說汗漫
擁階落葉自閒行物解歸根逗眼明勸德未能馨陋
室掄才那許賦神京一簾雲影霜容淡三逕花香露
字清謝却紛拏思寡過省將趨避卜君平

附驥憑誰上玉京抑揄作郡送人行中郎豈易逢王
粲叩令偏能客長卿詎肯窮途甘痛哭最憐無事費
經營無端花影凋零早想見天心若忌盈

晨光轉瞬便斜暝車笠歸途任判羣未破乘風千尺
浪欣看納稼一肩雲但逢呼我皆耽酒不是知音肯

論文小醉微吟過一日霜鐘枕上又驚聞

贈林靜菴由涑丞陞尹無極

循吏儒林合并書春風到處士民蘇
哦松句妙崔斯立。代賦恩重何易于地接福星欣十載。座承談塵愧三隅。那堪草草長亭別忍聽攀轅召父呼

莫慰涑陽借寇思安鄉甘雨又新滋地宜執耒耕兼織教欲崇文父亦師花閣忙多緣課士松庭閒不廢吟詩陳思八斗誰堪擬舉似風流更過之

臨岐握手感殷勤蓮幕縈懷夢想頻病抱杜陵艱作客才輸王粲愧因人就君滿擬詩囊富醉我曾忘宦橐貧白石祠旁秋賽鼓又歌高誼美如醇

雙琴堂詩集

卷四

三

列侯房畔暫遊遨到處爭傳撫字勞酌水無慙濱水潔問山還憶蓋山高畿南父老期飛鳥恒北兒童盡賣刀化洽豈容私百里行看賜爵擁旌旄

寄家

長亭五十豈天涯客舍風光總異家儘我登臨山絕少爲誰傾倒願空賒簷晴曝背隨田父日暮投巢羨晚鴉矯首雙琴軒畔月清光無賴冷梅花

客裏風光臘又初不堪寂寞擲居諸三餐無計僮愁債一事關心子讀書警枕莫忘冬足用競春好與雙同舒也知寒火灰頻撥風雪艱辛苦憶余

訪任爾順

殘暑秋除適興天攀來清話儘留連涼席就垂陰
樹索醉囊搜賣藥錢能讀父書兒喜慧尙操家計母
宜年雍雍穆穆天倫樂福事輪君獨萬全

玉簪花

問誰鏤琢巧如簪不垢塵氛遠勝金防折每擎清曉
露助粧雅稱美人心髻雲插處蜂猶繞枕角遺時夢
亦尋笑我含情勤把玩錯疑人墜小窻陰

美人焦

瓜籬豆架羨秋牕更有名花貌彼姝拖地裙垂碧羅

雙琴堂詩集

卷四

三

綺縮雲簪插赤珊瑚香吹畫檻芳心展蔭暖蒼苔翠
袖敷我見猶憐勞夢想雨窓清韻欲頻呼

夾竹桃

桃開竹外尙參差疑竹疑桃並一枝自許凌霜持勁
節何妨入俗點胭脂宛如薄暮佳人倚漫笑元都道
士癡清碧森森紅簇簇畏人風骨媚人姿

百日紅

底是詩情爲晚霞當楹絳雪放晴葩一簾艷影忘秋
早百日芳期取醉賒近映肉紅人欲妬遠拖山紫樹
難遮低徊三復香山句索莫如余慙對花

答靜一兄分竹見貽

好爲位置剪蒿藜漫詡東橋茂蔭堤半畝蝸廬仍界
北一層山色尙懸西翠痕籠處亭如笠澹影涵來月
半圭嘯雪鳴秋經歷慣菁菁應不負標題
俗緣憑仗此君醫伴我狂吟趣不歧湘水烟雲忘路
遠子猷風貌自心期干霄翠展連朝雨滌暑涼添滿
院颺管領清標還自賞心虛解得是吾師

毛豆

欲探風味瓜茄外肥豆條條摘短籬閒齧齒牙煨最
好少加鹽豉煮還宜爲憐碧點雞缸畔頻憶青垂鹿
雙琴堂詩集 卷四 三

粒樹

未肯垂垂繫圃場披離風雨自修長銳然有角疑排
戟蒼矣于思笑褰囊比玉森森圭似削妥飢粒粒稻
爭香兒童樂索炊遲候繡襦筠筐每試嘗

葡萄

清颺頻度翠陰香結實還欣風味長垂處誤兒含紫
蒟摘來餉客瀉秋光堆盤顆顆珠同貫澱齒涓涓露
遜涼釀法誰傳西域美不辭霞殘醉瓊漿

石榴

不獨花開照眼明，寔垂碩大更無朋。摘來碧籠誇連蒂，剖出丹珠迓半升。耀眼如星盤亂玉，點唇一粒齒忘冰。融融疑絳雪，甘凝蜜醉裏詩懷藉爾澄。

蘋果

秋山果熟孰堪思，淺碧輕紅絕世姿。俊影樹垂嬌帶雨，碧痕烟靄薄勻脂。味餘酒渴詩成後，香飽霜清露白時。聞說甘棠遺愛繫燕中，此品最稱奇。

秋思

咫尺家園詎異鄉，蕭騷風味最難量。烟空野潤人憐獨，露冷蟲悲夜厭長。物象未同秋水悟，情思偏競暮雲蒼。清風朗月誰攜取，滿擬隨君一徜徉。遺懷盃乏綠醕濃，每負閒庭月色溶。到耳偶聞華黍刈，流涎不異麩車逢。門無載酒寧尤客，字不知奇轉笑儂。留玉解貂空往事，狗屠燕市樂相從。

雙琴堂詩集

卷四

三首

孟酒豚蹄祝滿篝，眼饒真覺遜農謀。人居賃屋徒依壁，硯作耕田詎有秋。碧減轉疑山亦瘦，香殘寧怪蝶偏愁。白雲紅樹飢堪樂，磨礪風霜暫逗留。

葛衫難抵雨頻飛，又值商飈報授衣。雪若可裁思片片，蘆真如絮望依依。綈袍自分無憐范，虛室何勞有促機。紅豆燈懸書半展，悄然孤影篆烟微。

步丁楊齋先生大雪偶成原韻

同雲密密靜埃塵
眼界端從冷處新
官閣看梅爭得句
寒江垂釣獨無隣
空懷瘦蹇尋詩客
可有扁舟訪戴人
簌簌音傳風戛竹
怡情自買玉壺春
漫疑北地冬飛絮
最喜荒園樹盡梅
皓玉滿庭雲欲凍
夜窓如畫卷頻開
縱饒燈火青熒趣
終遜詞壇白戰才
妙句難賡空擁鼻
陽春原自郢中來

園居卽事

深慙堂構負貽謀
檢校琅函覓好修
竹樹漸看三徑滿
琴樽幸藉一壺留
析疑燭剪宵中雨
學畫山呈花外樓
逸興更邀羣季詠
憤搜癖事互拈闍
枉將春及告余知
石硯爲田敢望時
月不憐人光倍冷
花如媚我謝偏遲
幾行桃李留風月
一桁雲山當友師
不殖便深將落恐
腹撐何似有書詩
徑草何曾破屐痕
拚他簪履散平原
聽松有伴常偕影
得句誰酬自倒樽
短榻久拋塵市夢
殘編聊共古今論
不緣蛙鼓鶯簧奏
絕少清聲聒耳喧

雙琴堂詩集

卷四

五

誠然吾亦愛吾廬
種樹蒔花趣覺餘
謀醉酒資人間字
課兒手寫父遺書
披吟白拙謀生計
衫履無華稱索居
解得春風無限樂
管教塊壘自消除

酬周允若先生留飲見贈元韻

飢渴維殷慰及時知音詎敢附鐘期幸緣誤曲曾邀
顧思被光風一滌厄謝屐偕來蒿徑馥温又吟捷影
磚遲小園從此添佳話幾盞村醪博好詩

韋園夫子亦用前韻見貽敬步呈政

樗散深慙化雨時那堪過夏課虛期快談遠勝終年
讀薄醉寧辭盡日厄地癖須憐人寂寞賦成還恕步
淹遲平原客去誰相問珍重名流又贈詩

小憩青蓮寺

青蓮古刹小徜徉無限秋思起夕陽花瑞人猶談並

雙琴堂詩集

卷四

五

葦草荒碑已失初唐尋巢鳥噪寒雲亂
鬢僧炊艾火香莫覓龍池增悵望茶烟空漾晚風涼

過源泉書院舊址

黃壺溪太守作淪靈書院於此暇日嘗攜其公子與諸生

同課

亭名有本繼前賢雅意掄才列綺筵仙果分甘芳齒
頰佳兒陪從羨淵源長堤楊柳空今日太守風流已
昔年詎料半閒同瓦礫廢興誰氏口碑傳

步別駕丁惕齋先生澄心齋韻

吹噓到處氣如蒸暖我渾忘瘦骨稜滿擬問奇頻載
酒謬承折柬驟聯毳新詩欲續貂羞尾秘帳容窺笈

啟藤揮塵便開三里霧底須心印佛圖澄
緩頰分曾慰庶蒸清齋小築異觚稜簿書得了還憑
几洒掃時勤不借毳觀息靜同方丈地寫懷香展剡
溪藤郵亭吏隱休相擬在抱依然攬轡澄
佐劇寧如膠柱琴仕優仍學意沉沉操持共信甘如
葉著述還期重比琳不信簿書能束縛常教虛白透
衣襟封情隱智渾閒事靜裏猶存保赤心
卧理何如單父琴別開幽逕轉深沉屋梁仰處忘韜
掌砌月拈來勝獲琳嘯咏有時欣拄笏瓊瑤疊抱擬
題襟願書誰惜胝生右萬本爭傳酌水心

雙琴堂詩集

卷四

七

暮春懷盧資厚昆季

舊族當年重范陽依然衫履見清狂誰從落拓知奇
士一任凋零守墨莊閉戶自忘城市溷敲詩祇許季
昆商遙憐小醉微吟處靜數藤花嗅細香

鄭姻翁招看牡丹卽席賦贈

幾年培植此名葩比較戎葵信足誇院小不教香四
散春深底是鼓三搗裔皇氣象參臺閣抬舉風光占
物華爲識錦堂宏壽域早呈仙艷映流霞

芳樽頻喚樂勾留五世同看艷彩稠漫說叢賒十戶
賦爭如香好萬金求無花可並誰能詠與貴相宜最

豁眸山甫天才還遜謝寶欄遍倚思悠悠

謝趙宜言惠酒

舊法新方釀自兼
縹瓶香撥喜眉尖
醉春恰值花三
運對影欣邀月一
簾快論有誰抵掌共
微吟助我妙
思拈酬君並乏劉商
畫草擬張顛染素
縑

屯莊看蓮花

茅屋疎籬近水莊
清芬襲我小徜徉
一灣重碧屯雲
影幾朶新紅闌浴
粧金勒每停林外騎
玉壺頻醉甕
頭香若耶風景憑誰
訊不抵秋晴泛野航

喜牡丹又放

雙琴堂詩集 卷四
記種書壇認墨痕
看花今又到童孫
雲霞璀璨輝三
徑風雨飄搖歷幾
番愧乏雕欄張繡
幄還贏佳咏勸
芳樽百年培植須
珍重綺麗端由灌
溉恩

送周二南先生赴都

荆軻山畔重題詩
姓字爭教易水知
囊橐蕭然廉吏
子聲華藉甚絳帷
師共欣倒屣迎王
粲誰不逢人說
項斯此去長安應
得意棲遲穩借上
林枝

未罄綢繆又賦驪
別懷愁緒悵臨岐
留君漫作三年
約誨我寧惟一字
師酒倩落花翻舞
袖情隨柳絮繞
鞭絲未能附驥騰
雲路約向春明杏
雨時

輓陳耐菴

誼重金蘭雅意深風流蘊藉信宜人郡侯介弟渾忘
黃郊外荒村每過頻影度柳陰人入畫詩題花檻句
留春行間字裏鬚眉在舊札時觀最愴神
蕭齋過訪自公餘藝事文章論益予比苑妙傳游任
目南華悟証白生虛清談遠勝多年讀小酌寧嫌兼
味儲經濟未宏拋雁序泉臺賁志恨何如

環翠山房看菊

標撥佳磁位鼎彛陸離璀璨映疎枝浮金秋色芳同
桂疊紫寒英秀並芝佐我壺觴恣讌賞感君風雨費

雙琴堂詩集

卷四

五

維持須知耐久交原少寥廓霜天藉拄頤
繁華何處不摧殘逸品蕭森得自然試雪欲爭梅骨
傲後凋寧遜柏心堅一簾疎影雲同淡幾朶寒葩霜
助妍聞說餐英能益壽霞觴香泛祝遐年

山色悠然棐几旁相邀勝友托柴桑偏於冷淡能持
節任是蕭閒不艷粧荒逕頓回冷眼客秋容淨洗熬
中腸履霜預報秋消息早逗寒梅一段香

百卉爭妍未許侔幾叢籬畔忽逢秋淒風苦雨誰禁
思瘦影疎枝乃豁眸碧葉轉羞楓染醉寒香且喜竹
同留蕭條藉慰端須爾不向名園更索求

咏牡丹花得牛字

淺白深紅孰與侔，東皇抬舉壓芳儔。
綺筵留客須防馬，錢虜騎人漫比牛。
寧解一叢中戶賦，曾傳四韻百金求。

用黎球牡丹狀元事

笑無綵筆書花葉，索句酬君集勝流。

望捷

甲寅九月六日

名韉猶向棘闈牽，心似寒灰擬復燃。
入耳好音占鵲噪，掠眸喜兆羨蛛睽。
文章却愧難爭命，遇合偏希幸有緣。
蕊簇榜花思往事，家聲羞墜意懸懸。

皇八孫 恩賜絹箋筆墨恭紀

塗鴉人慣笑荒儉，籠賚遙頒荷玉成。
幾幅鴉柔春穀滑，雙丸香裊翠烟輕。
更看管列湘東品，不羨花從夢裏生。
揆藻願從珥筆侍，叨恩只有頌成聲。

雙琴堂詩集

卷四

四

共瞻燦爛輝蓬華，却惜鋒銛佐石耕。
作字自期心至敬，擘箋誰許句堪驚。
鼠鬚蠶繭空稱絕，松頂犀紋未比精。
羅向匡牀誇弟子，勉旃稽古媿桓榮。

